

Broj: 03-02-1057/2017
Sarajevo, 28.05.2025. godine

**FEDERALNO MINISTARSTVO FINANSIJA -
FEDERALNO MINISTARSTVO FINACIJA**
gosp. Toni Kraljević, ministar

VRLO HITNO

**PREDMET: Amandman na Prijedlog zakona o dugu, zaduživanju i garancijama u
Federaciji Bosne i Hercegovine**

Poštovani,

U prilogu Vam, radi pripreme Prijedloga izjašnjenja za Vladu Federacije Bosne i Hercegovine, dostavljam Amandman na Prijedlog zakona o dugu, zaduživanju i garancijama u Federaciji Bosne i Hercegovine – hitni postupak, koji je predložila Jasmina Bišćević-Tokić, poslanik u Predstavničkom domu Parlamenta Federacije Bosne i Hercegovine, a Vladi Federacije Bosne i Hercegovine je dostavljen aktom sekretara Predstavničkog doma Parlamenta Federacije Bosne i Hercegovine, broj 01-02-1167/25 od 28.05.2025. godine.

Napominjem da je u skladu sa članom 4. Poslovnika o radu Vlade Federacije Bosne i Hercegovine („Službene novine Federacije BiH“, br. 6/10, 37/10, 62/10, 39/20 i 67/21), Prijedlog izjašnjenja potrebno dostaviti na službenim jezicima i pismima Federacije Bosne i Hercegovine.

S poštovanjem,



SEKRETAR VLADE
[Signature]
dr. sci. Edita Kalajdžić

Prilog: kao u tekstu



5196

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Secretary

Broj: 01-02-1167/25
Sarajevo, 28.5.2025. godine

VLADA FEDERACIJE BIH
n/p gospođe Edite Kalajdžić,
tajnika

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 28.05.2025			
Organizaciona jedinica	Klasifikaciona oznaka	Redni broj	Broj priloga
03-02		1057	817

PREDMET: Očitovanje, traži se

U privitku Vam dostavljamo amandman na Prijedlog Zakona o dugu, zaduživanju i jamstvima u Federaciji BiH, kojeg je podnijela Jasmina Bišćević - Tokić, zastupnica Zastupničkom domu Parlamenta Federacije BiH.

S poštovanjem,



28.05.2025
d.p.mad/kurir

JASMINA-BIŠČEVIĆ-TOKIĆ, Zastupnica u Predstavničkom domu

BOSNA I HERCEGOVINA

FEDERACIJA BOSNE I HERCEGOVINE

PARLAMENT FEDERACIJE BIH

Predstavnički dom

n/r Dragan Mioković, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		28-05-2025	
Org. jed.	Broj	Priloga	Vrijednost
01	- 02 -	1167	125

Poštovani,

U skladu sa čl. 184. i 185. Poslovnika o radu Predstavničkog doma Parlamenta Federacije BiH („Službene novine Federacije BiH“ broj: 69/07, 2/08, 26/20, 13/24) podnosim amandman na Prijedlog Zakona o dugu, zaduživanju i garancijama u Federaciji Bosne i Hercegovine kako slijedi:

AMANDMAN I

U Prijedlogu Zakona o dugu, zaduživanju i garancijama u Federaciji Bosne i Hercegovine u članu 25. iza stava (12) dodaje se novi stav (13) koji glasi:

„(13) Na Odluku iz stava (10) ovog člana Vlada Federacije je obavezna pribaviti saglasnost Parlamenta Federacije BiH i Parlaentarne skupštine Bosne i Hercegovine u skladu sa Zakonom o zaduživanju, dugu u garancijama Bosne i Hercegovine“.

Obrazloženje

U Prijedlogu Zakona o dugu, zaduživanju i garancijama u Federaciji Bosne i Hercegovine u članu 25. st. (10) i (11) propisano je da odluku o vanjskom zaduživanju emisijom obveznica na međunarodnom finansijskom tržištu donosi Vlada Federacije BiH i da se tom odlukom određuju svi relevantni elementi emisije. Također, propisano je da Vlada FBiH propisuje opće uslove emisije obveznica Federacije na međunarodnom

finansijskom tržištu. Član 25. stav (10) i (11) su u suprotnosti sa članom 49. Zakona o zaduživanju, dugu i garancijama Bosne i Hercegovine koji („Službeni glasnik BiH“ broj: 52/05,103/09, 90/16) koji propisuje:

„Član 49.

(Vanjski dug entiteta i Distrikta)

- (1) Entiteti i Distrikt mogu se zadužiti po osnovu vanjskog duga, ali će takav dug zajedno s pratećom dokumentacijom biti predmet prethodne saglasnosti Parlamentarne skupštine u skladu s uslovima iz Ustava Bosne i Hercegovine.
- (2) Ministarstvo je ovlašteno propisati sadržaj, način i rokove dostave prateće dokumentacije iz stava (1) ovog člana.
- (3) Dug koji nije odobren u skladu sa stavom (1) ovog člana neće biti važeća i provodiva obaveza entiteta ili Distrikta koji se zadužio.
- (4) Zaduženje entiteta i Distrikta u skladu sa stavom (1) ovog člana neće biti državni dug i država neće imati nikakve obaveze u vezi s tim dugom“.

Slijedom naprijed navedenog, proizilazi da se predloženim članom 25. st. (10) i (11) Prijedloga Zakona o dugu, zaduživanju i garancijama u Federaciji Bosne i Hercegovine krši Zakon o zaduživanju, dugu i garancijama Bosne i Hercegovine. Podsjećam da je Ustavni sud Bosne i Hercegovine u svojim brojnim odlukama utvrdio da entitetski zakoni moraju biti usklađeni sa zakonima na državnom nivou. Također, ustavni sud BiH je u svojoj praksi zauzeo stav da pravna shvatanja iznesena u obrazloženju odluka Ustavnog suda BiH obavezuju entitetske ustavne sudove, ali i druge organe vlastiti entiteta, pa tako i entitetskog zakonodavca. S obzirom na činjenicu da bi se usvajanjem predloženog člana 25. st. (10) i (11) prekršio ustavni princip vladavine prava i narušio hijerarhijski odnos između zakona na državnom i entitetskom nivou, predlaže se da Vlada FBiH odnosno Predstavnički dom Federacije BiH usvoje ovaj amandman kao osnovan.

Jasmina Bišćević-Tokić s.r.

Sarajevo: 27.05.2025. godine